

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 259059 25 St
Zenica, 05.06.2026.godine

Općinski sud u Zenici, stečajni sudija Amela Sinanović, u stečajnom postupku nad imovinom stečajnog dužnika Društvo za trgovinu i usluge „CICKO“ d.o.o. Zenica, ul. Marijanovića put br. 70, Zenica, koga zastupa Skelo Branko, direktor društva, MBS: 43-01-0366-09 , odlučujući o prijedlogu stečajnog dužnika, van ročišta, dana 05.06.2026. godine, donio je sljedeće:

R J E Š E N J E

OTVARA SE STEČAJNI POSTUPAK nad imovinom stečajnog dužnika Društvo za trgovinu i usluge „CICKO“ d.o.o. Zenica, ul. Marijanovića put br. 70, Zenica , MBS: 43-01-0366-09, JIB: 4218669380003, dana 05.06.2026. godine u 15:00 sati.

Za stečajnog upravnika, sa liste stečajnih upravnika, imenuje se Redžić Ermin iz Zenice, ul. Bilimišće br. 74.

Pozivaju se povjerioci da u roku od 30 dana od dana objave ovog rješenja u „Službenim novinama“ Federacije BiH, prijave svoja potraživanja koja imaju prema stečajnom dužniku podnošenjem prijave Općinskom sudu Zenica na broj: 43 0 St 259059 25 St, uz uplatu sudske takse u iznosu od 1% od vrijednosti tražbine, ali ne manje od 50,00 KM, niti više od 10.000,00 KM na račun budžeta ZE-DO kantona broj:134-010-0000001672, vrsta prihoda 722221, budžetska organizacija 1606001, općina 103.

Podnosioci prijave uz prijavu trebaju navesti firmu i sjedište, odnosno ime i prezime, prebivalište ili boravište povjerioca sa adresom, pravni osnov i iznos potraživanja, broj transakcionog poslovnog računa ili nekog drugog računa povjerioca, jedinstveni identifikacioni broj, matični registarski broj pravnog lica i jedinstveni matični broj fizičkog lica, odnosno podatke u skladu sa članom 174. Zakona o stečaju.

Pozivaju se povjerioci da stečajnog upravnika, u roku od 30 dana, obavijeste koja prava osiguranja potražuju na predmetima imovine stečajnog dužnika i na kojim predmetima se potražuje pravo osiguranja, vrsta i razlog nastanka prava osiguranja, kao i osigurano potraživanje.

Pozivaju se lica koja imaju obaveze prema stečajnom dužniku, da ih bez odgađanja izvrše prema stečajnom dužniku.

Nalaže se stečajnom dužniku i trećim osobama da stečajnom dužniku predaju u posjed imovinu i dokumentaciju stečajnog dužnika koja je u njihovom posjedu.

Nalaže se registru poslovnih subjekata ovog suda da uz firmu ili naziv stečajnog dužnika izvrše upis oznake „u stečaj“, a u rubrici „lica ovlaštena za zastupanje subjekta upisa“ umjesto imena i prezimena direktora, upis imena i prezimena stečajnog upravnika.

Ispitno i izvještajno ročište u ovom postupku zakazuje se za dan četvrtak, 27.08.2026. godine u 10,00 sati, u zgradi Općinskog suda Zenica, te se na isto pozivaju povjerioci stečajnog dužnika, koji podnesu prijavu potraživanja, kao i stečajni upravnik.

Rješenje o otvaranju stečajnog postupka objavit će se na oglasnoj tabli suda, web stranici suda-elektronskoj tabli suda, na internet stranici FIA-e, a u „Službenim novinama“ Federacije BiH objavit

će se izreka rješenja. Kopija rješenja dostavit će se nadležnom tužilaštvu, Poreskoj upravi Federacije BiH i Upravi za indirektno oporezivanje Bosne i Hercegovine.

O b r a z l o ž e n j e

Dana 09.04.2026.godine Društvo za trgovinu i usluge „CICKO“ d.o.o. Zenica kao predlagatelj je ovom sudu podnijelo prijedlog za provođenje stečajnog postupka nad imovinom navedenog društva.

Privremeni stečajni upravnik Bojanović Goran iz Zenice je u vezi sa ispunjavanjem uvjeta za otvaranje stečajnog postupka nad imovinom stečajnog dužnika sačinio Izvještaj od 27.08.2025.godine, te je na ročištu za ispitivanje uvjeta za otvaranje stečajnog postupka održanom dana 03.06.2026. godine, izjavio da uvidom u Uvjerenje Službe za imovinsko pravne, geodetske poslove i katastar nekretnina od 07.08.2025. godine i Uvjerenja Općinskog suda u Zenici – zemljišnoknjižni ured o vlasništvu nekretnina od 11.08.2025. godine je vidljivo da stečajni dužnik nema registrovanih nekretnina u posjedu i vlasništvu na području koje pokriva Općinski sud u Zenici odnosno katastar Grada Zenica. Iz Uvjerenja MUP-a Zenica broj 08-01-02/5-03-7-8489-2/25 KA od 15.08.2025. godine, stečajni dužnik ima neregistrovano motorno vozilo marke Opel Combo registarskih oznaka K98T101 broj šasije W0LOXCF2523043348, neregistrovano teretno motorno vozilo marke Volkswagen Caddy registarskih oznaka T30M299, broj šasije WV1ZZZ9KZXR503759, neregistrovano teretno motorno vozilo, marke Volkswagen Caddy registarskih oznaka J15O785, broj šasije WV1ZZZ9KZ1R516626. Društvo nema u posjedu ova motorna vozila, a prema ovjerenoj izjavi osnivača društva u vezi sudbine navedenih vozila proizilazi da su ista prodana na otpad kao staro željezo, a da su novčana sredstva legla na račun o čemu stečajni dužnik nema poslovnu dokumentaciju budući da je rok čuvanja te dokumentacije 5 godina. Dalje je naveo, da je dana 18.08.2025. godine izvršio popis roba, ukupno 51 stavka, a prodajna vrijednost robe iznosi 690,70 KM, o čemu je u spis suda uložen dokaz broj 20. U toku poslovanja stečajni dužnik je vodio parnične postupke i izvršne postupke, te na taj način nastojao da naplati potraživanja od kupaca, a radi se o Presudi zbog propuštanja Općinskog suda u Zenici broj 43 0 Mals 228339 23 Mals od 10.01.2024. godine, po kojoj je doneseno Rješenje o izvršenju broj 43 0 Mals 228339 24 Ip od 16.04.2024. godine, presudi Općinskog suda u Zenici broj 43 0 Mals 230849 23 Mals od 29.05.2024. godine, po kojoj je doneseno Rješenje o izvršenju broj 43 0 Mals 230849 24 Ip od 06.08.2024. godine, Presudi Općinskog suda u Zenici broj 43 0 Mals 195720 21 Mals od 20.04.2022. godine, po kojoj je doneseno Rješenje o izvršenju broj 43 0 Mals 195720 22 Ip od 28.09.2022. godine, Presudi zbog propuštanja Općinskog suda u Zenici broj 43 0 Mals 228257 23 Mals od 22.11.2024. godine, po kojoj jr doneseno Rješenje o izvršenju broj 430 Mals 228257 25 Ip od 21.02.2024. godine, presudi zbog propuštanja Općinskog suda u Zenici broj 43 0 Mals 228430 23 Mals od 01.02.2024. godine, po kojoj je doneseno Rješenje o izvršenju broj 43 0 Mals 228430 24 Ip od 05.06.2024. godine, presuda zbog propuštanja Općinskog suda u Zenici broj 43 0 Mals 142955 17 Mals od 06.09.2017. godine, po kojoj je doneseno Rješenje o izvršenju broj 43 0 Mals 142955 22 Ip od 27.09.2022. godine, presuda zbog propuštanja Općinskog suda u Zenici broj 43 0 Mals 231607 23 Mals od 21.08.2024. godine, po kojoj je doneseno Rješenje o izvršenju broj 43 0 Mals 231607 24 Ip od 31.10.2024. godine, presuda zbog propuštanja Općinskog suda u Zenici broj 43 0 Mals 172351 19 Mals od 14.02.2020. godine, po kojoj je doneseno Rješenje o izvršenju broj 43 0 Mals 172351 22 Ip od 28.09.2022. godine, presuda zbog propuštanja Općinskog suda u Zenici broj 43 0 Mals 144229 17 Mals od 04.10.2017. godine, po kojoj je doneseno Rješenje o izvršenju broj 43 0 Mals 144229 17 Ip od 08.12.2017. godine. Rješenje o izvršenju Općinskog suda u Zenici broj 43 0 Mals 191022 21 Ip od 20.02.2023 godine, potraživani znos 1.074,63KM. Presuda zbog propuštanja Općinskog suda u Zenici broj 430 Mals 172350 19 Mals od 27.01.2021. godine, presuda zbog propuštanja Općinskog suda u Zenici broj 43 0 Mals 159290 18 Mals od 08.02.2019. godine, presuda zbog propuštanja Općinskog suda u Zenici broj 43 0 Mals 172349 19 Mals od 26.02.2020. godine, presuda zbog propuštanja Općinskog suda u Zenici broj 43 0 Mals 142966 17 Mals od 21.12.2017. godine. Po osnovu navedenih presuda Cicko d.o.o Zenica potražuje iznos od 7.252,96 KM. Sve presude su aktivne jer nije istekao rok od 10 godina od dana pravosnažnosti, kada bi nastupila zastara za sudsku zaštitu. Dalje navodi, da iz materijalnog dokaza redni broj 22 „Potraživanja od kupaca u zemlji za prodatu robu za period 01.01.2025. godine do

14.08.2025. godine“, knjigovodstveno stanje potraživanja firme Cicko d.o.o Zenica prema kupcima registrovano na kontu klase 211 na dan 14.08.2025. godine iznosi 214.086,41-59.671,14KM=154.415,27KM. Na dan 31.12.2024. godine, u Bilansu stanja sintetički je iskazano potraživanje prema kupcima u zemlji u iznosu 211.898,00KM, dok je početno stanje u materijalnom dokazu „Potraživanja od kupaca u zemlji za prodatu robu za period 01.01.2025. godine do 14.08.2025. godine“ 214.086,41KM, što ukazuje na određenu neusklađenost ta dva materijalna dokaza.

Što se tiče obaveza stečajnog dužnika, iz Bilansa stanja /materijalni dokaz broj 4/ na dan 31.12.2024. godine, sintetički je iskazana visina obaveza u visini od 340.094,00 KM. Iz materijalnog dokaza pod rednim brojem 24 kojim je analitički iskazana pozicija obaveza stečajnog dužnika proizilazi da na dan 14.08.2025. godine obaveze stečajnog dužnika iznose 323.243,96 KM. Obaveze po osnovu poreza i doprinosa prema Uvjerenju PU FBiH ,KPU Zenica broj 13-4/1-12-5-4348/25 SBJ od 08.08.2025. godine, iznose ukupno 54.840,21 KM. Obaveze prema Upravi za indirektno oporezivanje BiH prema Uvjerenju broj 02/6/II-16-11-21-11357-2/25 od 14.08.2025. godine, iznose 6.158,13 KM. Knjigovodstveno evidentirane obaveze po osnovu plaća na dan 14.08.2025. godine iznose 70.328,60 KM.

Iz materijalnih dokaza Potvrda o blokiranom računu broj 1610550015850026 otvorenom kod Raiffeisen Bank d.d BiH koji je blokiran počev od 24.04.2025. godine i Potvrde o statusu računa broj 5724760000009613- MF Banka koji je blokiran od 09.04.2025. godine. Stečajni dužnik je u roku od 60 dana počev od dana blokade računa tj dana 08.04.2025. godine, podnio nadležnom sudu prijedlog za otvaranje stečajnog postupka, odnosno dana nastupanja platežne nesposobnosti, te nije povrijedio obavezu iz čl. 58.s t6. Zakona o stečajnom postupku FBiH. Prijedlog za stečaj je podnesen dana 09.04.2025. godine. Također navodi, da ne postoje uslovi za obavljanje daljih aktivnosti društva.

Društvo za trgovinu i usluge „Cicko“ d.o.o Zenica, nema knjigovodstveno registrovanih stalnih sredstava, zemljišta, druge nekretnine, motorna vozila, namještaj, računari, i dr. Sjedište društva je na lokaciji Marijanovića put broj 70, u poslovnom prostoru koji je zakupljen nije vlasništvo stečajnog dužnika. Što se tiče roba, zalihe, repromaterijal konto 1, izvršen je popis robe na dan 18.08.2025. godine, analitički iskazano -materijalni dokaz broj 20, ukupna protivvrijednost robe zatečene u skladištu iznosi 690,70 KM, dok na dan 13.08.2025. godine knjigovodstveno nisu evidentirani roba, zalihe i sredstva namjenjena prodaji odnosno vrijednost istih je nula.

Privremeni stečajni upravnik zaključuje da obaveze stečajnog dužnika nadmašuju potraživanja i imovinu pogodnu za unovčenje, pa postoje razlozi za otvaranje stečajnog postupka, tim prije jer privredni subjekat ni kratkoročno ni dugoročno nije platežno sposoban, odnosno isti je nelikvidan i nesolventan. Predlaže da u okolnosti kada postoji imovinska masa koja se odnosi na potraživanja prema kupcima u obimu 154.415,27 KM, kao i evidentirana roba u obimu od 690,70 KM, i izvršni postupci precizirani u izvještaju u obimu potraživanja od 7.252,96 KM, da sud otvori stečajni postupka nad imovinom predmetnog privrednog subjekta, te da je gore navedena imovina dovoljna za pokriće stečajnog postupka, a prijedlog je dopušten jer je podnesen od strane stečajnog dužnika.

Nakon što su cijenjeni svi dokazi priloženi uz prijedlog, te izvještaj privremenog stečajnog upravnika o ekonomsko-finansijskom stanju imovine stečajnog dužnika, navodi privremenog stečajnog upravnika, utvrđeno je da je prijedlog za pokretanje stečaja dopušten, da zbog nesolventnosti i nelikvidnosti dužnika postoji stečajni razlog za provođenje stečaja, te da se iz imovine društva mogu finansirati troškovi stečajnog postupka.

Zbog navedenog, sud je shodno odredbi člana 102. stav 6. u vezi sa članom 6. Zakona o stečaju odlučio kao u izreci rješenja.

Sud je pored navedenog ovim rješenjem odredio dan i sat otvaranja postupka, imenovao stečajnog upravnika sa liste stečajnih upravitelja, pozvao povjerioce stečajnog dužnika da prijave potraživanja i povjerioce sa pravom osiguranja da obavijeste stečajnog upravnika o svom pravu, te dužnike stečajnog dužnika da bez odlaganja izmire svoje obaveze, te je odredio i dan i sat za koji je zakazano ispitno i

izvještajno ročište, a sve u skladu sa odredbama čl. 104., 105., 106., 107. i 108., Zakona o stečaju (Sl. Novine F BiH 53/21).

PRAVNA POUKA

Protiv ovog rješenja stečajni dužnik može izjaviti žalbu u roku od 8 dana od dana dostavljanja rješenja, Kantonalnom sudu Zenica, a putem ovog suda.

Stečajni sudija:

Amela Sinanović, s.r.